

Inissianik attartortitsisarneq pillugu Inatsisartut peqqussutaani nr. 2-mi, 12. maj 2005-imeersumi ilanngussa 4 (Ileqqorissaarnissamut malittarisassat) allanngorteqqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasillunga tunngaviumik pisortat inissiaataanni qimmeqarnissaq aamma/imaluunniit qitsuuteqarnissaq akuerineqarsinnaalersillugu.
(Inatsisartuni ilaasorta q Randi Vestergaard Evaldsen, Demokraterne)

Akissuteqaat

(Ineqarnermut Attaveqaqatigiinnermullu Naalakkersuisoq)

Siullermeerneqarnera

Aallarniutigalugu Naalakkersuisut sinnerlugit Inatsisartuni ilaasorta q Randi Vestergaard Evaldsen Demokraatineersoq aalajangiiffigisassatut siunnersuummik saqqummiussineranik qutsavigerusuppara.

Aningaasanut inatsisini kingullerni Naalakkersuisut Namminersorlutik Oqartussat inissiaataannik kommuninut tunniussinissamut isumaqatiginninniarnissamut Inatsisartunit piginnaatinneqarput.

Tamatuma kingunerisaanik suleqatigiissitamik, ineqarnerup siunissami ilusiligaanissaanik misissuisussamik pilersitsisoqarpoq. Suleqatigiissitaq aamma attartortitsisarnermut inatsisissap imasaanut innersuussissutinik saqqummiussisussaavoq, taakkunungalugu ilanngullugu inissiami attartortittakkami najugaqaraanni uumasuuteqarnissamut periarfissat oqallisigisinnaavai. Suleqatigiissitap ineqarnerup siunissami ilusissaa misissuiffigimmagu, pisortat inissiaataanni attartortittakkani qimmeqarnissap qitsuuteqarnissallu tunngaviumik akuerineqarnissaata siunnersuutigineqarnissaa naapertuutinnigilaq.

Sumiiffinni arlalinni inissiat angissusii inissiamilu uumasuutit amerlassusaat sunniuteqartussaapput. Assersuutigalugu inissiat ilaat nungullarnerusinnaapput, peqqissutsimut tunngasut ajornerulersinnaapput, tassungalugu ilanngullugu uumasunik sapigallit kiisalu uumasuutit nipiliortarneri eqqarsaatigineqartussaapput. Misilittakkat malillugit najugaqartunut annerusunik uomasuutilinnut saniliusut akuttunngitsumik naammagittaalliortarput. Taakkununga amerlanertigut qimmit qiluttarnerat, torsuusani aammalu sumiiffinni qanittuniittuni annat peqqutaasarput.

Taakku saniatigut najugaqartut inissiani annertunerusumik nungullarnernut, qimmeqarnermik qitsuuteqarnermillu peqquteqartunut aningaasartuutinut akiliisinnaanngikkaangata, najugaqarfii aningaasaqarnikkut artukkerneqartarput.

Kommunit pisortat inissiaataannik attartortittakkanik tamanik piginnittuulissappata, kommunit tunngaviumik pisortat inissiaataanni attartortittakkani qimmeqarnissamut aamma/imaluunniit qitsuuteqarnissamut akuersissuteqartoqassanersoq pillugu suliamut ilaatinneqarnissaat pingaaruteqarpoq.

Suliniutinik nutaanik aallartitsisoqannginnerani ineqarnerup siunissami aaqquissuusaanissaata aalajangersarneqarsimanissaa pingaaruteqarpoq.

Tamanna peqputigalugu Naalakkersuisut imaattumik allannguutissatut siunnersuuteqarput:
“Suleqatigiissitaq pilersinneqartoq inissiani attartortittakkani uumasuuteqarsinnaanermut
isummernissaanut aammalu suleqatigiissitaq attartortitsisarneq pillugu inatsimmi nutaami
tamanna pillugu imassaanut inassuteqassasoq Naalakkersuisut peqquneqassasut.”